



開冷氣想慳電有咩方法？開抽濕機，放C位慳電啲？長年運作嘅雪櫃，有冇簡單易記嘅慳電攻略？

以上問題嘅答案，大家都可以睇中電「愛慳電家庭」系列嘅短片入面搵到㗎。今次短片系列由一家四口同外傭姐姐親身示範，分享使用冷氣機、抽濕機、雪櫃呢類常用電器嘅慳電方法。想精明慳家，就唔好錯過喇！

一齊慳電好「傭」易

講到喺屋企精明慳電，當然唔少得搵埋外傭姐姐學埋一份！我哋為每集短片準備咗菲律賓語同印尼語版本，等外傭姐姐學嘅時候更快上手。

設計慳電家居 安裝電掣位必讀小貼士

裝修屋企前，需要計算同計劃好嘅細節非常多，其中一個最煩嘅部份，就係全屋電掣位嘅安排，今次我哋整理咗一啲裝修新手未必留意到嘅實用小建議，希望幫到大家設計好方便又慳電嘅電掣插座：

選用智能插座：

智能插座係電器備用或進入休眠狀態時，會自動中止電源，大大減低電器備用狀態下消耗嘅能源，所以呢類插座有「慳電神器」之稱，連機電署都鼓勵市民使用㗎！

選用設開關嘅插座：

大家亦可考慮喺客廳同睡房可考慮安裝帶 USB 接口嘅多功能插座，同埋設有獨立開關嘅電掣或拖板，方便之餘亦有助慳電。

遠離水源同電磁爐：

喺廚房須使用防水、防潮插座；裝修時要留意插座位置同高度，千祈唔好貪方便，將插座安裝得太接近水源或電磁爐嘅位置呀！

連接地線：

裝修後，喺驗收時記得確保每個電掣位都有接地線，避免漏電風險。



面對日新月異嘅新科技，唔少老友記都擔心自己反應慢跟唔上潮流，又覺得學極都學唔識，索性放棄學新嘢。

不過世事總有例外嘅，好似我哋今集「一件窩心事」主角張婆婆就係好例子喇。以前屋企賬單都係由阿仔幫手打理，但自從阿仔移民，婆婆就需要自己慢慢摸索點用部手機處理賬單。最近仲趁換咗新手機，搵咗中電數碼大使上「速成班」，精靈嘅張婆婆喺入面學咗唔少實用嘅知識。

婆婆而家唔單止識自己操作個中電App，開着埋賬單同繳費提示，個App仲為婆婆帶來意外收穫——因為婆婆教咗一班鄰居玩「綠加Fun」小遊戲，一齊動動手兼動動腦，邊慳電邊儲分換禮物，為佢哋嘅生活添上新色彩！

中電App最近簡化咗連結服務流程，比以前更方便使用。咁「入屋」嘅App，大家快啲下載，同介紹俾身邊嘅老友記用啦！

使用 PayMe 繳付賬單滿港幣150元 即解鎖轉轉賞贏高達港幣100元優惠券！



中電電費單而家唔止支援PayMe繳費，最近我哋仲成為PayMe「轉轉賞」嘅首個合作伙伴，即日至12月15日期間，大家只要跟住以下簡單嘅步驟，就可以邊交電費邊贏取優惠券㗎喇！

參加今次活動嘅步驟非常之簡單：

1. 用 PayMe 「繳付賬單」功能，繳交中電電費賬單滿港幣150元或以上，即合資格參加一次轉轉賞；
2. 付款後，前往PayMe 「獎賞專區」版面，點按「中華電力」卡片並開始遊戲。

交電費咁方便仲有優惠券收，大家快啲下載定PayMe App嚟交電費啦！

*提醒你，折扣優惠券不適用於任何透過銀聯付款的交易或PayMe「繳付賬單」功能。

*「轉轉賞」機會及獎賞名額先到先得，額滿即止。

*每位用戶每階段最多可轉一次，整個推廣期內可轉高達三次。

*須受條款及細則約束

* PayMe 之儲值支付工具牌照編號：SVFB002



一人一App提防電騙 中電App多重保護用戶

Q 屋企人曾經收到偽冒嘅中電短訊同電郵，點先可以睇安全嘅情況下查閱電費同積分嘅資料呢？

A 只要下載同使用中電App，就可以為自己同身邊嘅人添加三重網絡安全嘅防線！

防線一：用中電App登入你嘅賬戶，你就可以即時核實電費金額、交易紀錄，亦睇到目前最新嘅度度賞積分資訊，咁就可以避免撇開任何可疑連結同回傳個人資料。

防線二：唔少偽冒中電嘅短訊會聲稱你遲交電費，誘導你去可疑網站並輸入你嘅信用卡資料。只要你喺中電App使用轉數快 (FPS) 或繳費靈 (PPS) 嘅應用程式對應付款功能，以後交電費就萬無一失啦。

防線三：唔少騙徒係短訊或電郵入面加入虛假嘅客服電話，引誘你打俾佢哋。如果你對電費單或繳費有任何疑問，只需喺中電App右下角點選智能小助手超人中中圖示，就可以即時搵到chatbot幫手，或者聯絡我哋嘅真人客服。